

SÍÐAREGLUR

kjörinna fulltrúa Grindavíkurbæjar

Markmið og gildissvið

Markmið þessara reglna er að skilgreina það háttarni sem kjörnir fulltrúar vilja sýna af sér við störf sín fyrir hönd Grindavíkurbæjar. Gildi Grindavíkurbæjar um jafnræði, jákvæðni, þekkingu, framsækni og traust eru leiðarljós í starfsemi bæjarins. Með kjörnum fulltrúum er átt við bæjarfulltrúa sem og alla aðra sem kjörnir eru til setu í nefndum og ráðum á vegum Grindavíkurbæjar.

Starfsskyldur

Kjörnir fulltrúar Grindavíkurbæjar gegna störfum sínum af ábyrgð, alúð og samviseksemi, fyrir opnum tjöldum, og gæta hagsmuna Grindavíkurbæjar og almannahagsmuna. Í störfum sínum eru kjörnir fulltrúar bundnir af lögum, reglum, samþykktum Grindavíkurbæjar sem og sannfæringu sinni.

Kjörnir fulltrúar hafa ávallt í heiðri grundvallarreglur góðrar stjórnslu í störfum sínum og leitast við að framkvæma ekkert það sem getur dregið úr trausti á þeim ákvörðunum sem teknar eru.

Kjörnir fulltrúar forðast að hafast nokkuð það að sem er þeim til vanvirðu og álíthnekkis eða sem getur dregið úr trausti á þeim störfum sem þeir sinna fyrir Grindavíkurbæ. Kjörnir fulltrúar gæta þess að beita ekki valdheimildum sínum til að veita sjálfum sér persónulegan ávinning, á beinan eða óbeinan hátt, eða veita einstaklingi eða öðrum ávinning í því skyni að geta notið á beinan eða óbeinan hátt persónulegra hagsbóta af því.

Kjörnir fulltrúar Grindavíkurbæjar upplýsa íbúa Grindavíkurbæjar um framkvæmd starfa sinna og atriði sem skipta máli í rekstri bæjarins eins og kostur er. Þeir eru ávallt reiðubúnir að axla ábyrgð á störfum sínum.

Valdmörk og eftirlit

Kjörnir fulltrúar gæta þess að fara ekki út fyrir umboð sitt í störfum sínum og virða verkaskiptingu í stjórnkerfi Grindavíkurbæjar. Þeir sýna störfum og réttindum annarra kjörinna fulltrúa og starfsmanna bæjarins virðingu. Kjörnir fulltrúar virða aðgerðir í þágu stjórnslueftirlits hjá Grindavíkurbæ og leggja sitt af mörkum til að slíkt eftirlit nái markmiðum sínum.

Hagsmunaárekstrar og hæfi

Kjörnir fulltrúar forðast hagsmunaárekstra í störfum sínum og vekja athygli á því ef hætta er á slíkum árekstrum. Þegar kjörinn fulltrúi á óbeinna eða beinna persónulegra hagsmuna að gæta í máli sem er til umfjöllunar, skal hann gera grein fyrir þeim hagsmunum áður en umræður, atkvæðagreiðslur eða embættisfærslur fara fram.

Um mat á hæfi við afgreiðslu einstakra mála og málsmeðferð fer eftir sveitarstjórnarlögum og samþykktum um stjórn og fundarsköp Grindavíkurbæjar.

Kjörnir fulltrúar nýta ekki stöðu sína í þágu einkahagsmuna sinna eða annarra sem eru þeim tengdir, hvort sem ávinningur af slíku kemur fram strax eða síðar, þ.m.t. eftir að störfum fyrir Grindavíkurbæ lýkur.

Ábyrgð í fjármálum og rekstri

Kjörnir fulltrúar móta stefnu og hafa eftirlit með rekstri Grindavíkurbæjar í samstarfi við stjórnendur. Kjörnir fulltrúar gæta þess að framkvæmd stjórnslu og rekstur sveitarfélagsins sé ávallt eins og best verður á kosið. Kjörnir fulltrúar aðhafast ekkert það sem getur falið í sér misnotkun á almannafé. Kjörnum fulltrúum ber að virða fjárhagsáætlun og grundvallarreglur fjármálastjórnunar til að tryggja réttmæta og ábyrga meðferð almannaafjár.



Stöðuveitingar og ráðningar

Kjörnum fulltrúum ber að gæta þess að við stöðuveitingar hjá Grindavíkurbæ sé í hvívetna fylgt lögum og reglum og að einungis málefnalegar forsendur liggi að baki vali á starfsmönnum.

Gjafir og fríðindi

Kjörnir fulltrúar þiggja ekki fríðindi, svo sem gjafir, boðsferðir eða önnur hlunnindi frá viðskiptamönnum eða þeim er leita eftir þjónustu Grindavíkurbæjar nema þau séu óveruleg. Kjörnir fulltrúar þiggja ekki gjafir, boðsferðir eða hlunnindi ef líta má á það sem endurgreiðslu fyrir greiða eða sérstaka þjónustu.

Trúnaður og þagnarskylda

Kjörnir fulltrúar gæta þagnarskyldu um það sem þeir fá vitneskju um í starfi sínu og leynt á að fara vegna einkahagsmuna eða almannahagsmuna samkvæmt lögum eða eðli máls. Trúnaðurinn helst áfram eftir að kjörnir fulltrúar láta af störfum. Kjörnir fulltrúar virða trúnað um ummæli einstakra fundarmanna á lokuðum fundum í nefndum og ráðum Grindavíkurbæjar, sem og um innihald skjala eða annarra gagna, sem þeir fá aðgang að vegna starfa sinna og trúnaður skal vera um, enda byggji hann á lögmætum og málefnalegum rökum.

Háttvísi í samskiptum

Kjörnir fulltrúar viðhafa uppbyggileg og jákvæð samskipti sín á milli og við starfsmenn og íbúa Grindavíkur.

Miðlun siðareglna og innleiðing

Reglur þessar eru settar með vísan til 29. gr. sveitarstjórnarlaga nr. 138/2011. Kjörnir fulltrúar Grindavíkurbæjar undirgangast þessar siðareglur með undirskrift sinni og lýsa því þar með yfir að þeir ætli að hafa þær að leiðarljósi í störfum sínum. Í upphafi nýs kjörtímabils skal bæjarstjórn fjalla um siðareglur bæjarstjórnar og eftir atvikum gera á þeim breytingar og staðfesta með undirritun sinni. Siðareglurnar skulu birtar á vef Grindavíkurbæjar og sendar ráðherra sveitarstjórnarmála til staðfestingar.

Samþykkt í bæjarstjórn Grindavíkurbæjar 17. desember 2013.

Staðfest af innanríkisráðherra 28. febrúar 2014.

Samþykkt að nýju, án breytinga, í bæjarstjórn Grindavíkurbæjar 26. ágúst 2014

Samþykkt að nýju, án breytinga, í bæjarstjórn Grindavíkurbæjar 30. október 2018